



kal.komp.

21495

III

Mag. St. Dr.

P

silius

Łzrodziński Casimirus: Execlivus in regno Sept.
entiae honoris S. M. Bar. Olszyski - collatus.

PANEG. et VITAE
Polon. Fol.

N^o 849.

H

I

O

19

EXCELSUS IN REGNO SAPIENTIÆ HONOS,

Perillustri, Clarissimo, & Admodum Reverendo Domino,

D. M. BASILIO
OLSZYNSKI,

COLLEGÆ MAIORI, SACRÆ THEO-
LOGIÆ DOCTORI AC PROFESSORI,
Ecclesiæ Collegiæ S. FLORIANI CANONICO,
atq; CONCIONATORI, CANCELLARIO Siradiensi,
CURATO Nasiechovicensi, Contubernij
Sisliniani PROVISORI.

D V M

In Alma Academia Cracoviensi,

PRO LOCO

Inter Perillustres, Clarissimos & Admodum Reverendos DD.
Sacræ Theologiæ Doctores ac Professores,
RITU SOLENNI

In facie Vniversorum Augusti Lycei Iagelloniani Ordinum
atq; in Nobilissima Magnorum Hospitum frequentia
RESPONDERET,
COLLATUS:

NEC NON

Debitæ Venerationis & Applausûs Gratulatorij ergo

M. CASIMIRO ZRZODLINSKI,

*In eadem Celebratissima Vniversitate, Philosophiæ Doctore, ejusdemq; Professore,
Concentu Lyrico*

CELEBRATVS,

Anno Domini, M. DC. XCL. VI. Idus Iulij.

CRACOVIAE, TYPIS VNIVERSITATIS.



CONCENTVS LYRICI DEDICATIO.



*N*nata modestia, & ipsa solida conciliatrix Sapientia, animi demissio Tua, quanquam volitare per ora Virorum, nunquam affectaverit, semper autem recusaverit; hodie nihilominus, summo coronata honore, saltem clientum, exilibus encomiis, exornari patietur. PERILLVSTRIS, CLARISSIME & ADMODUM REVERENDE DOMINE DOCTOR, & MECENAS AMPLISSIME. Quis enim, Tua expertus beneficia, Harpocraticum seu Pythagoricum, velit servare silentium, quando Univerſi Alma istius Academia Ordines, fidi amici, & eximij Viri, honori Tuo faventiſſimi, videntur in mille vota & gaudia abiſſiſſe? Fateor, infra magnitudinem gloriæ Tuae hunc meum Concentum Lyricum eſſe; ceterum affectus mei conatum, mole exiguum, ſed obſervantiâ Tui plenum pro Tua ſumma humanitate & in me gratia, non repudiabis. Perſtringit oculos mentemq; meam, eruditionis Tuae reconditoris Maieſtas, & operis exiguitas, in celebrem Sapientiſſimorum Virorum conſpectum prodire reformidat; difficile tamen eſt, venerationi Ampliſſimi Nominis Tui, non parere, & quamvis in bicipiti Parnasso ſomniäſſe me non meminerim, cum Phæbo tamen & Muſis, excelsæ, in Regno Sapientiæ, dignitati Tuae non applaudere. Suscipe itaq; PERILLVSTRIS & ADMODUM REVERENDE DOMINE, minima hac grati animi libamina, Pieridesq; meas Tibi in occurſum cum plectris tenuibus prodeuntes, permitte in conſpectu Tuo Caſtaliâ teſtudine, de Te, quàm optime mereri, honoreq; ſublimi in avito Sapientiæ Regno, virtute, labore, ac meritis parato, quem nec Iovis ira, nec ignes nec poterit ferrum, nec edax abolere vetuſtas, longævus cum gloria perfruens, finem Neſtorea, precor egrediare ſeneſcæ.

Perilluſtris, Clariſſimæ & Admodum Reverendæ
Dominationis Veſtræ,

Cliens æternum devotus,

M. CASIMIRVS ZRZODLINSKI,
Philosophiæ Doctor & Profeſſor.

EXCELSUS

In Regno Sapientiæ

HONOS,

ODE TRICOLOS TETRASTROPHOS.

PRæcella Phœbi scandere culmina,
Necnon Supremas tendere in exedras,

Quicumq; de Viris anhelat,

Huic probitas placeat, laborq;.

Nam Diva virtus, ducit in aream

Augustioris Nominis, inclytos

Miscendo mortales Deorum

Ordinibus, celebriq; cætui.

Adjunctus illi continuus labor

Comes fidelis, nexu adamantino,

Gradu secundo, gloriosè

Provehit innumeros in altum.

Proles Philippi summaq; gloria,

Nutrita faustis sub penetralibus,

Famosa adeptis tot triumphis,

Herculeos coluit labores,

Vt illa magni portio Nominis

Sibi daretur munere diviti,

Thronusq; sublimis paratus,

Cederet uberiore censu.

Doctum Platonem vilis inertia,

Nec delicatum protulit otium,

Ad æviternam gloriam; sed

Sedulitas animiq; virtus.

Hâc arte binâ, VIR CELEBERRIME

Subnixus augem Nominis inclyti

Conscendis, OLSZYNSKI labore,

Cum probitate satis decorus.

Virtutis in Te, qui specimen Tuæ

Videre vellet, non opus ut suos

Attollat enixè hic ocellos;

Lumine ubi proprio coruscas.

En vix

En vix Tibi auras luminis ignei,
 Lucina clemens sanctaq; visere
 Concessit, & mox plurimarum,
 Splenduit ignea flamma dotum.
 Adhuc tenellus Matris ab ubere,
 Iam digna portas munera Palladi,
 Mentemq; profers eruditis
 Frontibus, atq; parem Stagiræ,
 Ætate primâ sic positâ bene,
 Phœboq; Sacrâ, mox Academicos
 Petis recessus, & Parentem
 In Studio Craciam salutas.
 Musis amicum, Pegasei chori,
 Apollo Thymbræus, Te sibi deligit
 Plectro Camænarum peraptum,
 Fatidicis sociavit aris.
 Plenè rigavit Castalijs aquis
 Os eruditum, Te Sapientiæ
 Formando Divinæ aptiorem,
 Vatribus adnumeravit ipsis.
 Non hîc stetisti, sed magè passibus
 Amplis, ad augustal Polyhymniæ
 Contendis, illuc quò improbus Te
 Ille labor, Studiumq; ducit.
 Hinc jam Minervæ, noscere fas erat,
 Quis Tu futurus? quantus erat Tibi
 Mentis vigor! cûi consecrârunt
 Flexanimæ Charites leporem.
 Mox eloquentis gratia copix,
 Ab ore manans nectare melleo,
 Dulcorat in Te Tulliani
 Eloquiij sapidos liquores.
 Quando ille, Suadæ Craciacæ decus
 DZIEDZIC Professor, Sarinaticæ dedit
 Pubi fluentia gratiarum,
 Te imbuit eloquio venusto.
 Lycea post hæc publica, Te sibi
 Optant alumnum Stoaq; Nobilis
 Pandit Cathedras laureatas,
 Teq; suâ recipit Palæstrâ.

Hac in Stagira MAKOVIVS Tibi
 Praeit celebris prodromus, in via
 Cursusq; sat laboriosi,
 Te Stadio facit ire docto.
 Audire fas est, Nicomachi Patrem,
 Sub erudita classe Docentium,
 Lubetq; lampadem Cleanthis,
 Sumere pro placida quiete.
 Hæc sunt laboris principia anxij,
 Quem reddidisti per Studium frequens,
 Dulcem: simul Virtute clarus,
 Præmia cara Tibi capeffens.
 Quod si Poëtæ credimus inclyto,
 Paulum sepultæ distat inertiae
 Occulta Virtus: debet ergo
 Purpureâ radiare luce.
 Splendent Secundis omnibus, Tuæ
 Virtutis in Te fulgida lumina,
 Primam Deo donante laurum,
 Dum meritò capis & triumphas.
 Inter Senatûs lumina VAVELI
 Lucens KOMECKI, Sydus amabile;
 Chironem Achilles prædicat Te,
 Quem Studio solido imbuiisti.
 Iam Te cathedræ poscere non sinunt,
 Præfagiunt cûi laudis adoream,
 Post consecutam bis coronam, in
 Artibus ingenuis Virentem.
 Laboris ingens pignus adest Tibi,
 Ad imbuendam progeniem Lechi,
 Magnoq; IVRKOWSKI Vocante
 Suscipis hoc onus in cathedra.
 Annis docendo pluribus, hîc Tua
 Præclara Virtus enituit, micans
 In axe Nouoduorsciano,
 Mox properas pede faustiore
 Ad celsioris culminis & gradûs
 Adeptionem: dum Tibi maximum
 Sydus fauet KVCHARSCIANYM
 Ac regimen Tibi dat Polonæ,

Doctum iuuentæ: purpura vbi Sacra
 Perenne Nomen Cardineæ togæ
 Fecit quod OLESNICIANÆ
 Dona refert, pretiosa dextræ.
 Dilexit in Te iustitiæ Arbiter,
 Iurisq; Summus flos GRABIANOVIVS
 Mentis iubar tum singulare,
 Egregias animiq; dotes.
 Aris Sacratis, cum voluit Tuas
 Dicare curas, dum Tibi munera
 Optabat, & mystæ coronam,
 Spiritualis opusq; vitæ.
 Vir magne, iam Te cætibus inclytæ
 Domûs Minoris, consociat parem
 Patrum voluntas & Senatûs,
 Iam Tua Te probitas coronat.
 Hic iam locato pulchra modestia,
 Reluxit in Te, cum sapientiæ
 Nitore magno: purpuræ ergo
 Apta humeros animumq; cultum.
 Et iunge linguæ Graingenzæ decus,
 Cuius Professor Tu solidus breui:
 Doces virescentem iuuentam
 Argolicis dare verba iussis.
 Augusta Maior Te vocat en Domus,
 Robustior quò genium pares,
 Ad altiorum tunc laborum
 Pondera, laude Tuâ, ferenda.
 Auditor optat publicus, hinc suo
 Gaudere tanto delicio sophûm,
 Cursum Stagiritæ legendo
 Colligis emeritas coronas.
 Hebræa, linguæ Te docorat quoq;
 Palæstra, Sacræ Iessiadum loqui,
 Sermone Diuinos placetq;
 Ex animo sapiente sensus.
 Ornatus inde es murice splendido,
 Quater Decanus purpurea in toga,
 Præses sophorum, dum gubernas
 Sceptra Stoæ, vigil, eruditæ.

Certamen hoc Te viderat arduum;
 Virumq; sensit: dogmata publica
 Dum tradis, & cùm disputantùm
 Difficiles animos resoluis.
 Sic Stagirææ, sic Aquinaticæ,
 Tibi fauebant culmina gloriæ;
 Sic victor ibas ex arena,
 Dulce canens Studij celestima.
 Quare cathedris iam Theologicis
 Felix dicaris, quæ sapientiam
 Diuiniorē detonare
 Assiduò didicere doctē.
 Vos rostra Sacris eloquijs data,
 Huius Periclis dicite posteris,
 Suadam piam, simul disertam;
 Quā reuocat populum fidelem
 Ad Numen altum. scilicet aureas
 Oraculorum dicere gratias,
 Hic Nestor & sacer loquendo,
 Visus erat Cyneas frequenter.
 Testatur ædes inclyta Martyris
 Hoc Floriani, nectare quam suo
 Demulcet & sic audientùm,
 Corda rapit sociatq; Christo.
 Romana sed mox Hesperia petit
 Et Vaticanæ celsa potentia
 Fastigia & vrbis eminentem,
 Faustus adit fideiq; Petram.
 Hic claret alti dotibus ingeni,
 Hic Sacra visit limina supplici
 Ritu, Theologamq; laurum
 Sumit ouans sapiensq; Doctor.
 Sic laureatus Sarmaticis dein,
 Ex Vrbe terris redditur, & mez
 Plaudunt Camæna totq; plaudit,
 Io canens numerus clientùm.
 Ædesq; Sacra subsiliunt, quibus
 Tot dona ab oris exoticis tulit,
 Et ossa Sanctorum beata,
 Gazâ Arabum pretiosiora.

Manum salutant chmata Patriæ,
 Hanc liberalem: quam Nasiehouij
 Nôrunt Pænates, nouit ædes,
 Munifico renouata sumptu.
 Mezq; nouit gratia laureæ,
 Vtramq; Vates, quam Tibi debeo,
 Tuosq; non cessabo sumptus,
 Thespiaco memorare cantu.
 Nunc ergo Doctor Theologus, Polo
 Vicina tollas Sacra cacumina,
 Locumq; præcellsum capesse,
 Conspicuâ probitate partum.
 Iam Te coronat, qui meritis Tuis
 Debetur olim, cum titulis honos;
 Quaternioni percelebri
 Iungeris en columnen decorum.
 Vates recedo, nunc Heliconius,
 Succedat omnis Cælica faustitas,
 Horæq; succedant amænæ
 Et placidi sine nube soles.
 Et mille lætis vndiq; plausibus,
 Doctor fruatur, melleq; in aurea,
 Metat triumphos gloriosi
 Nominis & decus æuiternum.



Aurea Sceptra tenes, Academia, Sydere dextro
 Et iungis Sacram fascibus ecce Crucem.
 Qui Tua docta Parens violaret iura proteruè
 Sacræ vindicias, horreat ipse Crucis.

*Franciscus de Garby Modrzemski Tribunides He-
 licienfis Studiosus Dialectices.*

Permissu Magnifici Domini
 R E C T O R I S.



